

Akilerarusiinernik Aalajangiisartut aalajangiinerat:

Akilerarusiinernik Aalajangiisartut jr nr:	2013-088243
Akilerartarnermik aalajangiisartut aalajangiinerat	8. januar 2014
Aalajangiinerup tamanut saqqummiunneqarnera:	6. juni 2017
Ukioq isertitaqarfiusoq:	2012
Sammissaq:	Akileraarutit
Sammisami oqaasertaq	Suliunnaarnerussutisianit aningaasarsiap akileraaruserneqarnera

Eqikkaaneq

Naammagittaalliornermi pineqarpoq ukioq isertitaqarfiusumi 2012-imi suliunnaarnerusutit tunniussinerup akileraaruserneqarsimanera. Naammagittaalliorpoq isumaqarpoq, suliunnaarnerussutisianit aningaasarsiaq isertitaasoq akileraaruteqarfiusussaangitsoq.

Akilerarusiinernik aalajangiisartut Akilerartarnermik Aqutsisoqarfik isumaqatigaat, tassalu suliunnaarnerussutisianit aningaasarsiaq isertitaasoq akileraaruteqaataasussaq.

Suliassami pissusiviusut

Ukiut isertitaqarfiusumut 2012-imut nammineerluni nalunaarsuutimini naammagittaalliorup nalunaarutigisimavaa, akileraarutaasussaangitsumik suliunnaarnerussutisianit aningaasarsiamik 150.000 koruunit missaanniittumik pissarsinikuusimalluni.

Akilerartarnermik Aqutsisoqarfiup suliunnaarnerussutisianit aningaasarsiaq isertitaasoq akileraaruteqarfiusussatut isigisimavaa taamaattumillu aningaasartaatigut akilerartissimallugu.

Naammagittaalliuuteqartup paasinninnera

Naammagittaalliorpoq isumaqarpoq, aningaasarsiaq suliunnaarnerussutisianut atatillugu pissarsiari-simasani isertitaasoq akileraaruteqarfiusussaangitsoq. Tunngavilersuutiniq tulluuttunik saqqummius-saqarsimavoq:

- Aningaasarsiaq tunniunneqarpoq pissutigalugu suliffeqarnermiinnermut suli ukiut tallimat amerlanerusut sulinermi. Kissaatigigaanni inuit suliffeqarnermiiginnassasut taava pissusissamisuunngitsutut isikkoqarpoq taamatut pillaanissaq.
- Ilisimasimagaluarukku taamatut akilerartinneqassallunga utaqqisimassanngikkaluarpunga.
- Imassinnaavoq DK-mit marloriaammik akileraarusersuisarneq pillugu isumaqatigiisummi suliunnaarnerusuteqartitsinermik aqqissuussineq puigorneqarsimasoq, taamaattoqarsimapallu suliarineqartariaqaraluarpoq.
- Malittarisassat iluarsineqarnissaasa tungaanut akileraaruserneqartarnermut immikkut akuersissuteqartoqartariaqarpoq.

Eqqartuussiviit sulinissaannut malittarisassat aamma eqqartuusseriaatsimi periuseq inner-suussutigineqarput

Aningaasarsiaq Akileraarutaasussaangitsog (suliunnaarnersiut):

Suliffeqartup toqqarsinnaavaa Danmarkimi suliunnaarnersiuteqarnermik aaqqissuussinermut akiliuteqartarnissani taamalu periarfissaqalerluni soraarninngornissani sioqqullugu suliunnaarnersiuteqarluni suliunnaarnissamut. Akiliuteqartartoq ima utoqqaalersimatigiguni, suliunnaarnersiuteqalersinnaalluni, taamaasioranili, taava Suliffissaaleqinermut Sillimmasiisarneq pillugu Inatsimmi § 74 m naapertorlugu akileraaruserneqartussaangitsumik aningaasarsiamik tunineqarsinnaavoq.

Inatsit Suliffissaaleqinermut Sillimmasiisarneq pillugu Inatsimmi § 105 naapertorlugu Kalaallit Nunaanut atuutinngilaq.

Kalaallit Nunaanni sulineq Danmarkimi sulinermit sanilliunneqassaaq.

Isertitat akileraaruteqaataasussat:

Inuk Kalaallit Nunaanni najugalik, tamakkiisumik Kalaallit Nunaanut akileraartussaataitaavoq.

Isertitami akileraarutigineqartussami aallaavittut pineqarput isertitat tamarmik, apeqqutaatinnagit tamakku aningaasarsiaasut imaluunniit aningaasaatitigut iluanaarutaasut allat Kalaallit Nunaannit imaluunniit nunanit allaneersut. Isertitaq taamaallaat akileraarutaassanngilaq, inatsisikkut aalajangersak-kami eqqaaneqarsimaguni Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi § 1, imm. 1 nr. 1 aamma § 13, imm. 1 naapertorlugit.

Aningaasarsianit akileraarutit pillugit Inatsimmi § 14-imi isertitat akileraarutaasussaataitaasut pillugit assersuutitik allaaserinnittoqarsimavoq, § 34-milu isertitat akileraarutaasussaangitsut allaaserineqarsimapput.

§ 34. Isertitami akileraarutaasussamit naatsorsuinermit makku ilaatinneqassanngillat:

- 1) Akileraartussaataitap pigisaasa nalinginik allannguinerup nassataanik pisuussutit allissutaat millissutaalluunniit,*
- 2) iluanaarutit annaasalluunniit akileraartussaataitap pigisaanik tunisinermi pisut. Tamannali atuutinngilaq pigisanik nalikillilerneqarsinnaasunik tunisaqarnermi kiisalu pigisanut akileraartussaasup inuutissarsiormermigut imaluunniit iluanaarniarluni pissarsiaanut,*
- 3) tunisisumut akileraartussaaqataasumut aapparisaamut tunissutit, tunisisup qitornaanut, qitornassaanut taak-kualu qitornaannut, qitornap qitornassalluunniit toqusimasup aapparisaanut (averusersimannngisaanut avissimannngisaanulluunniit) kiisalu angajoqqaavinut, angajoqqaasaanut aataakkuinut aanaakkuinullu tunissutit,*
- 4) pisuussutit amerlissutaat kingornussarsianit imaluunniit kingornussarsiassanit siumuukkanit imaluunniit apparillernermit pisut,*
- 5) nammineq pigisat nammineerluni atugaanerisa nalingat, aamma nammineq illumi inigisap nalinga illuut ataasiinnarmik piginnittup inigisaatut atugassaasumik inissiartaqarpat, kisianni aatsaat illuuttip ilangaallussua tamatuma saniatigut piginnittup inuutissarsiorniarluni sulineranut atugaanngippat,*
- 6) piliat akileraartussaataitap aallaaniarnermik, piniarnermik aalisarmermillu ingerlatsineranit pisut privatimik atugaanerminni nalingat,*
- 7) iluanaarutit agguagarsiat brugsforeninginut § 1, imm. 1, nr. 6-imi eqqartorneqartunit pisut,*

8) ullormusiat (dagpenge) angalanermullu taartisiat angallataasunut aamma angalanermi ineqarnermut neri-saqarnermullu (angerlarsimaffiup avataani najugaqarallanermi) aningaasartuutit allissutaannut matusissutis-sat Kalaallit Nunaanni pisortatigut isumagisassaatanik isumaginninnermit pisut imaluunniit Kalaallit Nunaanni tjenestemandinut malittarisassat malillugit tunniunneqartut,

9) piginneqatigiit § 1, imm. 1, nr. 3-mi 4-miluunniit pineqartut piginneqataanermut allagartanik tunisaqarner-mikkut imaluunniit piginneqataasut aningaasaataanik amerlisitsinikkut akit sippuutaagoortumik pisaat,

10) pisortanit ikiuutisiat akuersissutigineqartut:

a) pisuni ataasiakkaani naliliineq tunngavigalugu pisortanit pensionisianut tapiliussatut, matumani aamma meeqqanut tapiliussatut tunniunneqartut,

b) ataasiartumik ikiorsiissutitut, nuunnermi ikiuutisiatut, ilisinermi ikiuutisiatut, angerlarsimaffimmi ikiorteqar-nermut aamma angerlarluni angalanermut ikiuutisiatut tunniunneqartut,

c) ineqarnermut tapiissutitut tunniunneqartut,

d) meeqqanut inuusuttunullu ikiorsiissutitut tunniunneqartut,

e) inunnu annertuumik innarluuteqartunut ikiorsiissutitut tunniunneqartut,

f) piginnaangorsaqinneqarnermut atatillugu ataasiartumik ikiorsiissutitut immikkut ittumik tapiissutitut tun-niunneqartut.

11) Selskabinit nunani allani, matumani aamma Danmarkimi Savalimmiunilu, angerlarsimaffeqartuni aktiaa-tinit anpartiutinilluunniit iluanaarutisiat, selskabinit il.il. § 1, imm. 1, nr. 3, 4, 6, 7 aamma 9-mi taaneqartunit pis-sarsiarineqartut. Tamannali taamaallaat atuuppoq selskabip iluanaarutisianik pissarsisup, selskabip piginnit-tuusup, selskabimi iluanaarutisianik tunniussaqtummi, selskabimi pigineqartummi, aktiatigut anpartitigulluunniit aningaasaatit minnerpaamik 25 procentii piffissami ataannartumi sivikinnerpaamik ukiumi ataatsimi, piffissallu taassuma iluani iluanaarutisianik agguassiffiusimasussami pigisimappagit,

12) meeqqanut tapiissuteqarneq pillugu inatsit malillugu meeqqanut tapiissutisiat, ilinniagaqarnermi tapiissutit pillugu inatsisartut peqqussutaat malillugu meeqqanut tapiissutisiat, atuarfinni klassini qullermi atuartut atuar-nermut tapiiffigineqartarnerat pillugu peqqussut naapertorlugu tapisiaat, aammalu meeqqanut ilinniarnermi ta-piissutit Kalaallit Nunaanni tjenestemandinut malittarisassat malillugit tunniunneqartut,

13) nalliuttorsiornermi suliffimmit tunissutisiat namminersortuni pisortaniluunniit atorfilinnut Kalaallit Nunaanni tjenestemandinut malittarisassat malillugit tunniunneqartut,

14) nuunnermi aningaasartuutinut matussutissat namminersortuni pisortaniluunniit atorfilinnut Kalaallit Nu-naanni tjenestemandinut malittarisassat malillugit tunniunneqartut,

15) akeqanngitsumik angerlarsimaffittut najukkamut angalanerup nalinga namminersortuni pisortaniluunniit atorfilinnut Kalaallit Nunaanni tjenestemandinut maleruagassat atuuttut malillugit tunniunneqartartoq.

Akeqanngitsumik angalasarneq akileraaruserneqarneq ajortoq, aalajangersagaq una malillugu ukiumut anga-lanermut ataatsimut taamaallaat atuuppoq, aammalu

16) præmieobligationit, eqquinianernit, tipsernermit il.il. eqquinikkut pissarsuat danskit naalagaaffiannut aki-leraaruserneqartut.

Marloriaammik akileraarusersuisarneq:

Inuk Kalaallit Nunaanni angerlarsimaffilik, nunamit allamit isertitanik pissarsippat, marloriaammik akile-raarusersuisarneq pinngorsinnaavoq. Isertitaq Kalaallit Nunaannut akileraarutigineqartussaavoq, amerlanertigulli aamma nunami pinngorfimminiit akileraaruserneqarsimasarluni.

Aningaarsianit akileraarutit pillugit inatsisikkut § 69-mi marloriaammik akileraarusiisarneq annikillisin-neqarpoq. Akileraarutissanik naatsorsuinermi akileraarutit ilanngaatigineqarsinnaapput nunamit allamit isertitanit akileqarsimasut, taakku sumiiffinni marluusuni akileraarutaasussat. Akileraarutilli Kalaallit Nunaanni isertitamit akilerneqartussat sinnerlugit ilanngaatigineqassanngillat.

Aningaasarsianit akileraarutit pillugit inatsimmi annikillisisinissamik malittarisassaq nunanit allanit mar-loriaammik akileraarusiisarnermik isumaqatigiissutinik ilaneqartussaavoq. Isumaqatigiissutinut iluarsii-

gineqarput ilaatigut nunat sorliit isertitami akileraarusersuinissamut piginnaatitaaffeqartut aamma qanoq iliorluni akileraarut annikillisinneqartussaannersoq, nunat marluk isertitami akileraarusersuinnaappata.

Kalaallit Nunaata Danmarkillu akornanni Marloraammik akileraarusersuisarneq pillugu isumaqatigiisummi akileraarutaasussaannngitsumik suliunnaarnersiutinit aningaasarsiaq erseqqissumik allaaserineqarsimannngilaq, taamaattumillu Immikkoortorta 20-mi ilaatinneqarluni, tassanilu nuna inissisimaffik akileraarusersuisinnaanermut piginnaatinneqarsimalluni. Akileraartussaataasooq Kalaallit Nunaanni najugaqarpat taava Kalaallit Nunaat nunaassaaq inissisimaffik.

Akileraarusersuinernik Aalajangiisartut naliliinerni tunngavilersuutaalu

Suliami pineqarpoq suliunnaarnersiutinit aningaasarsiaq, taanna tunniunneqartartoq danskit Suliffissaaleqinermut Sillimmasiisarneq pillugu Inatsisaat naapertorlugu. Naammagittaalliortoq suliunnaarnersiutinit aningaasarsiamik pissarsinissamut piumasaqaatinik eqquutsitsivoq, taannalu Danmarkimi akileraarutaasartuunngilaq.

Kalaallit Nunaanni immikkut malittarisassaqaannngilaq, tassuuna Kalaallit Nunaanni akileraarusersuisarnermut isertitaq ilaatinneqarani. Kalaallit Nunaata Danmarkillu akornanni Marloraammik akileraarusersuisarneq pillugu isumaqatigiisummi akileraarutaasussaannngitsumik suliunnaarnersiutinit aningaasarsiaq erseqqissumik allaaserineqarsimannngilaq, taamaattumik aningaasarsiaq immikkoortorta 20-mut ilaatinneqassaaq, tassa imaappoq nuna inissisimaffik - Kalaallit Nunaat - akileraarusersuisarnermut piginnaati-taaffeqarpoq.

Taamaattumik Akileraarusersuinernik Aalajangiisartut naliliineraat, eqqortuusooq Akileraartarnermik Aqutsisoqarfiup naammagittaalliortoq suliunnaarnersiutinit aningaasarsiamit tunniunneqartumit akileraartinneqarmat.

Akileraarusersuinernik Aalajangiisartut aalajangiinerni

Akileraarusersuinernik Aalajangiisartut Akileraartarnermik Aqutsisoqarfiup aalajangiinera atortussaatinneqarpoq, tassalu 2012-imi suliunnaarnersiutinit aningaasarsiaq pissarsiarineqarsimasooq Kalaallit Nunaanni akileraaruserneqartussatut isertitaasooq. Taamaasilluni naammagittaalliortoq naammagittaalliuutiminit ilalerneqannngilaq, Aningaasarsianit akileraarutit pillugit Inatsisartut inatsisaanni nr. 12., 2. november 2006-imeersumi §§ 13 aamma 34 naapertorlugit aammalu Kalaallit Nunaata Danmarkillu akornanni DBO-mi Art. 20 naapertorlugu.